

Mekana mete yi bo ketima kenje Behebere

Mɔ te ε ketima mekana mete yɔkɔ kenje Behebere kɔ, bo yeti ke duwe dɛno dɛyene na.

Mekana maka jeki beɛe Behebere bete be yeɛsama temɔ tiko mison yan nje be bekriten baka. Ma yasi wete, baɛa ke njoka yan dikima simta, ho nde, bo yɔkwe ne kɔkɔ beɛgwe mison yan, ho nde, bo tiki temɔ ke yi Krist gbate. E bo kete ne mekana maka yi nye ne Beyuden bete be me bekriten baka deti ke temɔ, yi tedye sendi bo nde, Krist sima tonje meyasi hene te yi membonga dikima lepɔ ke, dete bo ti yɔkwe se beɛgwe mison yan ne membonga mete yite na. Mekana maka ke tedye sendi wuse bekriten hene nde, Krist laɛsama meyasi menɔri hene.

Wuse yakama baɛe mekana maka ke nyangwe mengabiye yitati:

1. Krist kwɔ bejaki ne Moyisi (kumte 1-4).
2. Say nyena sadaka te yi Krist kwɔ mesay me nyena mesadaka hene. Sendi, nyena yotu ne ne nguru wene nda sadaka yi Krist nya ke, kwɔ mesadaka hene (kumte 5-10).
3. Jonɛgwe mɔ te ε tike temɔ ke yi Krist kɔ (kumte 10-13).

Njambiye lepinama ne nje

mɔno wene

¹ Ke metu te yi mbombu Njambiye kwanma ne botu be punja melepi mene yi lepina no

mennga budfyate nye besanmbambo*f1* busu. A kwanma sendi ne bo yi lepina no nye besanmbambo busu ne budya menje. ² Ma ndana, ke ngimo te yoko yi mboko ke ke siynate ke, Njambiyε lepinama nye wuse ne nje Monɔ wene. A kwanma ne nye yi kuso ne mboko, tembidye sendi nye nde, a nam meyasi hene. ³ Meluksa me Njambiyε ke beɲna ke yi Monɔ. A ndi nda gba Njambiyε. Lepi te yi punde ke numbu ne ke ne ngungudye. Yo ke kelo nde, meyasi me mboko hene ken mbombu diyo kete. Ke nye ma si kobile nje te yi Njambiyε ta weye ne mesembo me bomo ke, ε nye nje kwa ke diyo metidye ke kwey ke mbam bo Njambiyε te ε ne ngungudye hene ko.

Yesus Krist kwa bejaki hene

⁴ Yo nde, Yesus nja be nyangwete kwa bejaki, ε Njambiyε nye nye kpaɔa diɔo laɲsa yan hene. ⁵ Ma yo jaki te nda yi Njambiyε lepima nye nye wete yeso nde: <We monmbe, kande ndana mi me songwe> ko? Ho nde, yo jaki te nda yi Njambiyε lepima ke kasi ne nde: <Mi ta be sangwe wene, a ma be monmbe ko?> ⁶ Sendi, ke ngimo te yi Njambiyε tomma ne Monɔ wene njese ke mboko ke, ε nye basidye lepo ke kasi ne nde: <Bejaki bene hene kusukwe meboɲ koto mbombu ke meneti kano nye.> Monɔ wene te diye tomba moy ke njoka meyasi hene. ⁷ Ke pay te yi bejaki bene, Njambiyε ke lepo nde: <A ke kelo nde, bo beki nda pupo, bo botu be mesay bene beki nda lam dite.> ⁸ Ma ke pay te yi monɔ wene, a ke lepo nde: <We gba Njambiyε, we

kumande kpo ne kpo. We nám botu bo ne nje te yi ne ngben. ⁹ We kwádyikwe ngben mekele, beno kotu mekele nye bo ke dite. O Njambiye, yori yi Njambiye wo kumbuma mutó ke to yo yí nye ne we nyanḡwe mesosa! A kelma dete yí tóke ne we tiko benjon bo.> ¹⁰ Njambiye lepima sendi ke kasi Monó nde: <Baba Mbokó, pinó te yi meyasi tí pa kusuna, we kandima kusó meneti. Yo we kuse sendi dýofo ne gba bo yo. ¹¹ Meyasi menori hene ta si yambile, ma ndi we ta bone kpo ne kpo. Yo hene ta si beyo nda yi melambo si buto no ké. ¹² We ta bu yo hene kè tiko womaḡa nda yi bo nike ne melambo ké. We ta si senjo yo. Ma ndi we ta bone kpo ne kpo kine senjo na.> ¹³ Ma yo jaki te nda yi Njambiye lepima nye nye wete yeso nde: <Diyo metidye ke mbam bo mbe kumo nde, mi síki kawule bependo bo tiko ke nji mekol mo> ko? ¹⁴ Ma dete, bejaki be nda? 'Bo hene yeti botu be mesay be Njambiye na? 'Bo yeti mesisiḡ mete yi Njambiye tome yí kè kame botu bete be ta be ne jonḡwe te yi kpo ne kpo ké na?

2

Kasi jonḡwe te yi Njambiye

nye wuse ké

¹ Ma dete, wuse bâkidya melepi mete yi wuse wokuma ké ne gbem, kambo he me nje yambile duwe ke kimó nje. ² Lepi te yi bejaki be Njambiye nḡa lepo ké ba kpasa lepi. Bomo hene be payma lepi te diyo kine benḡwe yo baka dikima sanḡwa ne pónsi te yi yakama ne bo. ³ Ma ḡge wuse

yeliye kpara jonḡwe te yi Njambiye nye wuse ké, he má nje kelɔ nan yí diyɔ nɔ ke pɔnsi te? Nyangwe Kumande ne nguru wene kande nje pele kasi jonḡwe te. Botu bete be wokuma yo baka nja jaye gbate nye wuse nde, yasi te yi bo lepe ke kasi jonḡwe te ké, yo kpara lepi. ⁴ Njambiye sendi dikima kelɔ meyekambiyɛ nɛ nyangwe meyasi nɛ kwalɔ nyangwe mekele wete wete, nye sendi bo meyasi mete yi Kimɔ Sisɪn nye mumɔ ké nda yi nye kwadye. A kelma dete yí tedye nde, yasi te yi bo dikima lepo ké ba gbakasi.

Njambiye ke tedye mɔ te e ta

jonḡwe bomɔ ko

⁵ Yo nde, Njambiye ti tembidyɛ bejaki nde, yo bo ta namɔ jonja mbokɔ te yi ta nje yi wuse lepe nɔ ké na. ⁶ Yasi wete, ke yike yi wuse lepe ké, wete mumɔ lepima womaɲa ke moy mekana me Njambiye nde: <Njambiye, mumɔ ba nda, né we taki nye? Mɔnɔ mumɔ ba nda, né we nye misi ke yotu ne? ⁷ We paɲma kelɔ nde, a diy njime, bejaki mbombu yi yaka mɔnɔ kum ngimɔ. We nja tonje nye ne meluksa hene, ngane sendi nye. [We tembidyɛ nye nde, a nám meyasi mete yi we kusuma ké.] ⁸ We kaɲma meyasi hene tiko ke nji mekol mene.> Yi wuse lepe nde: <Njambiye kaɲma meyasi hene tiko ke nji mekol mene> ké, yite nde, a ti bukwe ko yaɲa wete ne wete na. Yasi wete, kumɔ ndana wuse yeti ke beɲe nde, a kaɲma meyasi hene tiko ke nji mekol mene na. ⁹ Ma kwey Njambiye paɲma kelɔ nde, Yesus

díy njime, bejaki mbombu yi yaka mono kum ngimo. Yasi wete ndana, wuse ke bene nda yi Njambiyé tonja nye ne meluksa, ngane sendi nye keto mebone mete yi nye sangwama no ke son ké. Dete, keto Njambiyé ne ngikwa, Yesus sombuma son keto bomo hene. ¹⁰ Yo Njambiyé kuse meyasi hene, yo nye díye sendi ne yo hene. A benma kimote nde, Yesus kwâh ne nje mebone yi be no ne njololo ke meyasi hene, né bono bene budyate be ne ngabiyé ke meluksa me Yesus. Yo Yesus bute nje yí jongwé ne bo. ¹¹ Yo nye ke pupudye bomo kané nye Njambiyé. Nè nye nè botu bete, bo hene ndi ne kiya sangwé wete. Yori yi nye yeti ke gwe non te yi jeba bo nde Bemané bene ké. ¹² A ke lepó nye Njambiyé nde: <Mi ta lepó kasi yo nye bemané bembé. Mi ta teme ke mbombu non botu bo hene, jembina yí lukse ne we.> ¹³ E nye lepe sendi nde: <Mi ta be ne bibina temo hene pele yi Njambiyé>, lepó sendi nde: <Mi waka sine bono be Njambiyé be nye kanma nye mi baka.>

¹⁴ Ma bono bete be nye lepe no baka, yo wuse botu be meneti maka be ne membundo nè mekiyo baka. Yori yi Yesus ne nguru wene bonma sendi teri su, na gwe yí yangile ne deti *Kum beya mekele. Keto yo nye, Kum beya mekele ko kele nde, bomo gwâki. ¹⁵ Yesus kelma dete yí jongwé ne botu bete be gwá wó son kwey, díyo nda bebala ke ndingele jongwé dyan hene baka. ¹⁶ Yo gbate nde, a njáki nje kame benday be Abaraham, a ti njáki kame bejaki na. ¹⁷ Dete, yo bá kimote nde, a bôn teri bemané ke menje hene, na be nyangwe kum botu be

nyena sadaka te ε gwe bomo ηgwete, nye temo ke mesay me Njambiyε yί sonε ne ηgambi ne ke to bomo, sanḡwe bo bene be Njambiyε. ¹⁸ A beηma meboηe ke ηgimo te yi nye sanḡwama ne mebobilan ké. Dete ndana, a yakama kame botu bete be sanḡwa sendi ne mebobilan baka.

3

Yesus Krist kwā Mōyisi

¹ Wunε njōη, Njambiyε jebama sendi wunε nde, wunε bēki botu bene. Dete, wunε kâηa misi yί beηe ndi ne Yesus. Nye mo te yi Njambiyε tomma ko. Nye sendi nyanḡwe kum botu be nyena sadaka te yi wuse tike temo ke yene ke mbombu bomo ko. ² A tonja mesay hene kimote ndi nda yi mo te ε tembidiya nye nya nye nde, a kēl ké. A tonja yo ndi nda yi Mōyisi kelma kwey ke njoka kando bono be Njambiyε ké. ³ Yo nde, ke njoka tu nē mo te ε sumε yo ko, bo lūksa mo te ε sumε ko, yeti tu na. Ke njoka Yesus nē Mōyisi, yo dēte sendi, yo yakama nde, bo lūksa Yesus kwā Mōyisi. ⁴ Tu hene, yo mumo sumε yo, ma ko bekō dēte, yo Njambiyε kele meyasi hene. ⁵ Nḡe be Mōyisi, a tonja mesay mene hene kimote ke njoka kando bono be Njambiyε nda mo mesay. Mesay mene bā nde, a kânda lepō yasi te yi Njambiyε ta nje lepō ke metu te yi nje ké. ⁶ Ma ke be *Krist, a tónjukwe ne mesay mene hene kimote nda Mōno te ε diye ne tu sanḡwe ko. Ma ηḡe wuse kē mbombu diyo ne ηḡbingim, be ne bibina temo te yi nye wuse mesosa ké kumo ke siynate, yite wuse tu te.

Njambiyε ta nyε botu benε mεwεdya

⁷ Yori yi Kimɔ Sisij lεpe nde: <Muka ηge wunε woke men nε, ⁸ wunε t̄i deskwe metemɔ mun nda yi besanmbambo bun kelma detina to sunḡwe nε Njambiyε ke konḡor boβε nε nyε kε na. ⁹ Njambiyε nde: Ko βεkɔ nde, bo βeηma mekele mete yi mi d̄ikima kelɔ ke mεsew kamɔni kε, bo boβuma mi ȳi βeηε nε yasi te yi mi ta kelɔ kε. ¹⁰ Yo kelma nde, mi w̄oku ηgambi sunḡwe nε bo, ε mi lεpe nde: Mεηgimɔ hεnε, metake man londunate nε mi. Ko, bo t̄i kwadyε duwe menje membe na. ¹¹ Dete, mi wokuma ηgambi, ε mi kinja nde, ko bo t̄i nyiηε gba ke mbey mεwεdya membe na.> ¹² Wunε n̄jɔη, wunε d̄iy nε sɔsɔ, ma βaηa ke njoka yun mε nje d̄iyɔ kinε tiko temɔ se ke yi Njambiyε na. Yo yakama kelɔ nde, bo t̄um kɔη nε Njambiyε te ε nε jon kɔ. ¹³ Ma βaka k̄ita βεsɔ metu hεnε piηɔ te yi muka te yi wuse lεpe nɔ kε ndi kete, kambɔ mεbeyɔ mε nje sebile wunε ȳi d̄ese nε metemɔ mun. ¹⁴ Yo nde, ηge wuse kε mbombu d̄iyɔ nε ηḡbiηḡim, βε sendi nε bibina temɔ te yi wuse βa nɔ nε mbombu kε kumɔ ke siynate, komete, sine βe *Krist ta βe nε ηgabiye ke meyasi hεnε. ¹⁵ Yo d̄ete yi mεkana mε Njambiyε ke lεpɔ nde: <Muka ηge wunε woke men nε, wunε t̄i deskwe metemɔ mun nda yi besanmbambo bun kelma detina to sunḡwe nε Njambiyε kε na.> ¹⁶ Ma βe nda si wokɔ men Njambiyε nje kpalo kelɔ yasi te yi kwadya temɔ nε kε? Yeti ndi kiya botu βaka βe Mɔyisi punja sonḡe bo hεnε ke Ejipt βaka kele d̄ete na? ¹⁷ 'Ma Njambiyε ma w̄oku ηgambi sunḡwe nε βe nda ke

mesew kamoni? 'A ti ma wóku ngambi sunḡwe ndi ne kiya botu baka be kelma beya yasi, ε bo sangwa ne soḡ ke moy koḡor baka na? ¹⁸ 'Ma Njambiye ma kinjaḡwe nde, be nda tí nyiḡe ke mbey mewedya mene? 'Yo ti ma béḡa ndi kiya botu baka be kelma da meto sunḡwe ne nye baka na? ¹⁹ Dete, he ke beḡe nde, Njambiye tí jaye nde, bo nyiḡa ke mbey te na, keto bo tí tike temo ke yene na.

4

¹ Njambiye kpoma nde, wuse yakama nyiḡe ke mbey mewedya mene. Ma dete, piḡo te yi ngimo nyiḡnate ndi kete, he díy ne soso, ma mbaḡa mumo ke njoka yun me nje koḡo nyiḡnate take nde, a tikama ne njime. ² Ma he wokuma sendi Kimo Tom te ndi nda yi besaḡmbambo busu wokuma no sendi kwey ke koḡor ké. Bo wokuma Kimo Tom te, yasi wete, yo tí kame bo yaḡa na, keto bo wokuma ndi woko kine tiko temo kete na. ³ Ke be wuse be tike temo kete baka, wuse ke nyiḡe su ke mbey mewedya mete yi Njambiye lepima nde: <Mi wokuma ngambi, ε mi kinja nde: Ko bo tí nyiḡe gba ke mbey mewedya membe na.> Njambiye lepima melipi maka, ko beko nde, a ma kiki sidye mesay mene kome nye kusuma ne mboko ké. ⁴ Womaḡa ke mekana me Njambiye, ke kasi metu yitan jo yibate yi yo lepe ké, ε nde: <Njambiye kelma mesay mene hene ke metu yitan jo wete, ma ke yitan jo yibate, ε nye wedya.> ⁵ Nda yi wuse kandima si lepo ndana ké, mekana me Njambiye

ke basidyε lεpɔ sendi waka nde: <Ko bo tí nyiηε gba ke mbey mēwedyá mēmbε na.> ⁶ Ma botu βete βe kandima wokɔ Kimɔ Tom te βaka tí nyiηε ke mbey mēwedyá mēte na, keto mētemɔ man βá nε keskere. Yasi wete, muka βaηa yakama nyiηε ke mbey mēwedyá mēte. ⁷ Yori yi Njambiyε ke tembidyε sendi wete jonja ηgimɔ te yi nyε jeba nde muka ké. Mēsew kwanma ke kɔηte budyate, ε nyε lεpε lεpi te yi wuse lεpima ndana ké nε numbu Davit nde: <Muka ηγε wunε wokε mēn nε, nε tí dεskwe mētemɔ mun na!> ⁸ Ma Yosuwá má kendi nε βesaηmbambo busu kumɔ nɔ ke mbey mēwedyá mēte, ma Njambiyε tí lεpε se kasi wete ηgimɔ mēwedyá ke kɔηte na. ⁹ Dete, Njambiyε kombila wete ηgimɔ mēwedyá yi ke βoηna nε yi yesɔ *Saba nyε botu βenε. ¹⁰ Mɔ te ε nyiηma ke mbey mēwedyá mē Njambiyε kɔ ke wedyá ke mēsay mēnε hēnε nda yi Njambiyε wedyáma nɔ ke kɔη mēsay mēte yenε ké. ¹¹ Dete, hε nyêki sosu su hēnε yí sá nje te yi nyiηε ke mbey mēwedyá mēte, kambo βaηa mē nje kelɔ dā mēto nda βesaηmbambo busu kɔpɔ nε nyiηnate ke mbey mēwedyá mēte. ¹² Wunε kēl dēte, keto mēlεpi mē Njambiyε nyéki mumɔ kpasa jongwε, yo sendi nε ηgunḡudyε. Yo lónj mumɔ ke temɔ kwá yi kafa te ε nε mēnumbu mēte yíβa yakama kelɔ ké. Yo nyíηa ndi pɔke kumɔ ke moy mbumɔ temɔ, nyiηε kumɔ ke moy dýoηḡɔ ke to. Yo kén kumɔ ke mējanḡwe mē yotu, kumɔ sendi ke dýoηḡɔ te yi moy mēyesɔ. Yo ke nēmbε punje mēdýanɔ nē mētake mēte yi dýiye ke temɔ mumɔ ké. ¹³ Ke mēyasi mēte yi

Njambiyε kusuma ké, kinε yaŋa wεtε nε wεtε sɔɔyate kε mbombu wenε na. A kε bεŋε mεyasi hεnε te yi nyε kusuma ké nε lonɔ lonɔ. Mεyasi hεnε te yi wusε kelma ké, hε ta tεmε kε mbombu wenε pilε yo nyε nyε.

Yesus Krist kwɔ nyangwe botu

be nyena sadaka hεnε

¹⁴ Wusε mε ndana nε nyangwε kum botu be nyena sadaka te ε kwanma bari hεnε kɔ. Yo Yesus te Mɔnɔ Njambiyε ε bendima kè kwey kε dɔyɔbɔ kɔ. Dete, hε tiki temɔ nε ŋgbik kε yenε kε mbombu bɔmɔ. ¹⁵ Kεto Yesus te nyangwε kum botu be nyena sadaka wusu te yi wusε lεpε nɔ kɔ tí dɔyɔ kinε gwe ŋgwεtε wusu kε metεkɔ mεte yi wusε nɔ ké na. A saŋgwama nε mεbɔbilan ndi nda wusε kε mεnje hεnε. Yasi wεtε, ko a t̄i kele nε yiŋa mεbeyɔ na. ¹⁶ Dete, hε k̄en ndana nε bibina temɔ kε kεki siya bεkum te yi Njambiyε te ε nε ŋgikwa kɔ, na tiki wusε nε ŋgwεtε kε bεya mεkele musu, kelɔ ŋgikwa nε wusε yí kame wusε kome yiŋa yasi dɔyɔ wusε ké.

5

¹ Yo nde, kε yi nyangwε kum botu be nyena sadaka hεnε, bɔ tóka nyε ndi kε njoka bɔmɔ tεmbidɔyε nyε, na kel mεsay mε Njambiyε yí kame nε botu bεte. Mεsay mεnε, yo nde, a bɔŋ mεyasi nyε Njambiyε, kelɔ sendi sadaka nyε nyε kεto mεbeyɔ mε bɔmɔ. ² A yakama wokɔ yasi te yi dɔyɔ kε yi botu bεte be ndekima mεyasi, nè baka be jatε kε yiŋa mεnje baka, kεto yo

dyán sendi nye nda bo. ³ Yo keto te yite yi nye yâkaṅgwe nye sadaka, keto mebeyo mete yene ne ḡguru wene nè yi botu be kandɔ sendi. ⁴ Mumɔ ti bóṅ nyaṅgwe dīyɔ te ne ḡguru wene na. Yasi wete, yo Njambye ne ḡguru wene jeba mumɔ tembidyē nye nda yi nye kelma kwey ne *Arɔn ké.

⁵ Ke yi *Krist, yo bɔ sendi dete. Nye ne ḡguru wene tī bɔ nyaṅgwe dīyɔ kum botu be nyena sadaka nye ke yotu ne na. Yasi wete, yo Njambye lɛpe nye nye nde: <We mɔnmbe, kande ndana mi me sɔṅgwe.> ⁶ Yo nda yi yo ketinate sendi womaṅa ke mekana me Njambye nde: <We mɔ nyena sadaka kpo ne kpo nda Melkisedek.> ⁷ Ke jɔṅgwe dyene ke meneti maka, Yesus dīkima ḡgweta jaba kembidya detinate punje misidyē ke misi ke mbɔmbu Njambye te ε bɔ ne deti te yi sɔṅe sɔṅ ke yotu ne kɔ. E Njambye woke meṅgweta mene, keto Yesus pidya yotu ke mbɔmbu wene. ⁸ Ko beko nde, a bɔ gbate Mɔnɔ wene, a kwanma ne nje meɔne yí jeke ne kelna yasi te yi Njambye kwadye ké. ⁹ Ke Njambye ma si nye nye deti te yi tonje meyasi hene ké, ε nye nje be mɔ te ε bute nje yí jɔṅgwe ne bomɔ hene be kele yasi te yi nye lɛpe yí nye bo jɔṅgwe te yi kpo ne kpo. ¹⁰ Dete, ε Njambye tembidyē nye nde, a béki nyaṅgwe kum botu be nyena sadaka nda Melkisedek.

He kél meyasi mete yi goto bomɔ

¹¹ Wuse ne budya meyasi mete yi wuse yakama lɛpɔ nye wune ke kasi nyaṅgwe kum botu be nyena sadaka kɔ. Yasi wete, yí nembe nɔ, yo ne

ɔfɛtɔ, keto wunɛ yeti se ke ɔbiye to meyasi nɛɔɔ nda yi mbɔmbu na. ¹² Ma, ke ɔɔɔɔɔ ɔgimɔ te yi sima kwɔ kɛ́, ma wunɛ mɛ ndana ɔɔtu ɔɔte ɔɔe yakama tɛɔye meyasi nye ɔɔɔɔ, yasi wɛtɛ, yo ke ɔɔye ndana nde, ɔɔ ɔɔɔɔɔɔ tɛɔye sendi wunɛ bosa mɔɔɔ meyasi mɛte yi ɔɔ kandima tɛɔye wunɛ mbɔmbu ke mɛlɛpi mɛ Njambiyɛ kɛ́. Wunɛ mɛ ndana nda ɔɔɔɔ ɔɔte ɔɔe ndi ke ɔɔye ɔɔri ɔɔaka. Nɛ́ nde, wunɛ ɔɔyɔ́ki mɛɔye mɛte yi nɛ ɔɔtɔ, wunɛ ke kpalɔ kelɔ nde, ɔɔ nyɛ́ki wunɛ mɔɔɔku mɛɔri nɛ kɔkɔ. ¹³ Yo nde, mɔ te ɛ ndi ke ɔɔye ɔɔri kɔ ndi nɛ gbela mɔɔɔsike. Njɛl mɔ te mbete tɔ pa duwɛ nɛmbina yasi te yi nɛ ɔɔgbɛɔ nɛ́ yasi te yi ɔɔe kɔtute kɛ́ na. ¹⁴ Ma ɔɔɔina mɛɔye ɔɔɛɔa goto ɔɔmɔ. Njɛl ɔɔtu te ɔɔte yakama nɛmbɛ kimɔ yasi nɛ́ ɔɔya yasi, keto ɔɔ nya sosu yan ke jekina meyasi mɛte, ɛ ɔɔ si yila nɔ.

6

¹ Ma ɔɔɔte, hɛ kɛ́n kɛ́ndɔ mbɔmbu jekɛ meyasi mɛte yi ɔɔɛɛ goto ɔɔmɔ. Hɛ tɔ ɔɔiy ndi ke kiya mbɛy ke bosa meyasi mɛte yi ɔɔ tɛɔya wusɛ ke kasi *Krist kɛ́ na. Hɛ ma si tɛmbidye mɛkol mɛ tɔ, hɛ tɔ ɔɔɔɔɔ tɛmbidye se na. Hɛ sima lɛɔ yo nye wunɛ, yo nde, ɔɔmɔ tɔm kɔɔ nɛ mɛkele mɛte yi kɛ́ nɛ mɔmɔ ke nje sɔɔ kɛ́, yɛɔsa temɔ tiko ke yi Njambiyɛ. ² Hɛ sima nɛmbɛ njoka tɔɔpuna ɔɔmɔ ke mɔɔɔku te yi kwanɔna kɛ́ nye wunɛ, lɛɔ kasi kasa mɛɔ ke yɔtu ɔɔmɔ te yi kelna kɛ́ nɛ́ kasi womiya ɔɔmɔɔ nɛ́ kasi pɛsina jɔsi te yi Njambiyɛ ta pɛsɔ ke siyna mbokɔ kɛ́.

³ Ma ndana, ηγε Njambye jaye, he tí bɔne ndi wari na, he ta kè mbombu.

⁴ Njambye paniya puye nye baɲa bomɔ. Bo ne ηguru wan beɲma nde, yasi te yi Njambye nya bo ké gba kimɔte. Bo beɲma sendi mekamna me Kimɔ Sisiɲ. ⁵ Bo beɲma gbate nde, meɛpi me Njambye kimɔ yasi, kande beɲna nyanɲwe ηgunɲudye ηgimɔ te yi ta duwe nje ké. ⁶ Botu bete beɲma duwe meyasi menɔri hene. Yasi wete, bo kpalma tumɔ kɔɲ ne Njambye. Ma dɛte, nje te yi bo yakama kelo nde, botu bete yɛnsanɲwe sendi temɔ ne kɔkɔ ké yeti se na. Yo nda bo ne ηguru wan ke kala ηgba Mɔnɔ Njambye ke kroa, kelo nde, bomɔ wɛnɲwe nye. ⁷ He pɔɲ bɔ yekambye ne meneti. Nge mbiyɔ diki nɔ ne kpik kpik ke yiɲa mbey, ηge mɔrɔku diki nyiɲe meneti bɔse yo, ηge meneti mete jonɲwe nyambi yí kame ne botu bete be kelma ηgwan womete baka, yite Njambye ke nye meneti mete mekombila. ⁸ Ma ηge meneti mete kpale kelo nde, membunɲo mete yi ne mesɔru nda menɲombiya ké jɔɲ kete, yite bomɔ béɲa meneti mete soɲe misi, Njambye má kita ne yo si lodye yo ne ηgito. ⁹ Wune nɲɔɲ, soɲ temɔ su, ko beko nde, wuse lêpinanɲwe dɛte, wuse ne dibina temɔ nde, wune ke gba kimɔ nje te yi ta kelo nde, Njambye jɔɲɲwe wune. ¹⁰ He lépi dɛte, keto Njambye yeti mɔ te ε kele yasi kɔtute na. A tí lensa mesay mete yi wune kele nè mekwadya mete yi wune tedya sunɲwe ne nye ké na. Mekwadya mete ke beɲna ke kimɔ meyasi mete yi wune kelma sunɲwe ne botu bene nè

yi wunε kè mbombu kelo ké. ¹¹ Ma yasi te yi wuse gɔrε ké, yo nde, mumɔ hεnε ke njoka yun nyêki sosu nε hεnε ke kelna mesay dεte kumɔ ke siynate. Dete, wunε ta βε nε meyasi hεnε te yi wunε βε nε bibina temɔ nde, wunε ta βε nɔ ké. ¹² Ma wuse yeti ke kwadyε nde, dɣem bîya wunε na. Yasi wete, hε kwádyikwe nde, wunε kél nda yi botu βε Njambiye βete βε tike temɔ ke yεnε, βε sendi nε tinj kele ké. Bo ke nje βε nε kimɔ meyasi mete yi nyε kpoma tike βo ké.

Njambiye tónjukwe meyasi mete

yi nyε si kpo ké

¹³ Ke ηgimo te yi Njambiye kpoma yiηa yasi nyε Abaraham ké, a lepima kinja yotu nε nε ηguru wenε, keto mbaηa mɔ te ε kwanηa nyε, na kinja yotu mɔ te yeti na. ¹⁴ A lepima kinja yotu nε nde: <Gbakasi, mi ta tonje we nε mekombila, kelo nde, benday βo nyêbi nyεβo kè nɔ mbombu.> ¹⁵ Abaraham wokuma dεte, ε nyε kele tinj ladiye. Dete, ε nyε nje βε nε yasi te yi Njambiye kpoma nde, a ta nyε nyε ké. ¹⁶ Ke yi bomɔ diki kinja nɔ ké, βo kijnangwe nε dino mɔ te ε βε nyanngwete kwà βo kɔ. Nge mumɔ kinja dεte, yo ke tedye nde, lepi te yi nyε lepe ké, gbakasi. O βéηa, meso te yi βà ke njoka yan ké tí kè se mbombu na. ¹⁷ Dete, Njambiye kwadya tedye nε nje te yite nyε botu βete βe nyε si kpo yiηa yasi nyε βo βaka nde, ko a tí dīyɔ kine tonje yasi te yi nyε si kpo ké na. Yí tedye nε yo, a lepinama nje kinja sendi yotu. ¹⁸ Ke meyasi maka yiβa, yite nde, ηge Njambiye si kpo yiηa

yasi, kinja sendi yotu ne, yaŋa tí senjo se kete na. Ko a ti kél ja na. Dete, pe wuse botu bete be soma ke yasi ne baka, yo ke nye wuse nyanŋwe deti te yi be ne bibina temo ne ngbik ke meyasi mete yi nye sima kpo nye wuse ké. ¹⁹ Bibina temo te yi wuse no dete ke yi Njambiye ké ke kelo nde, wuse dŋy ne ngbingim kine ndensa na nda yi dinde tembidye ne landi ne njik ke sombu ké. Bibina temo te ke kelo sendi nde, wuse lanŋanŋwe lamba te yi bo kesa peto ne mbey te yi ne kiyó ké nyiŋe kumo ke moyte mate. ²⁰ Yesus ma kake nje nye wuse, kande kumo mate, e nye nje be nyanŋwe kum botu be nyena sadaka kpo ne kpo nda Melkisedek.

7

Kasi Melkisedek te mo nyena

sadaka nye Njambiye

¹ Melkisedek ko ba kumande Salem.*f1* A ba sendi mo nyena sadaka nye Njambiye te e kwanma meyasi hene ke kwey ko. Ke ngimo te yi Abaraham ba ke yokwe ke loŋna dŋambi kome nye lanŋsama budya bekumande ké, e Melkisedek teme ke sanŋwa ne nye kwa nye nye mekombila.

² Ke meyasi hene te yi Abaraham yokwa no ke dŋambi ké, a bakima kwalo yasi hene ke menŋabiye kamo kamo. E nye bu ngabiye kwalo meyasi mete wete wete nye Melkisedek. Faŋ to dŋno Melkisedek, yo nde: Kumande te e ne ngben. Sendi, nye kumande te e Salem, yite nde: Kumande te e kele nde, bomo dŋy ne te.

³ A kine sanŋwe na, a kine nyanŋwe na, a kine

besanmbambo na. Ko bo yeti ke lepo kasi jariki ne, ho lepo nde, a gwa na. Dete, nye nda Monɔ Njambiyɛ, nye mo nyena sadaka nye Njambiyɛ kpo ne kpo.

⁴ Ne bɛɛna ndi, a ba gba nyanɔwete budyate. Ko nyanɔwe sanmbambo wusu Abaraham ne nguru wene, ke meyasi hene te yi nye yokwa no ke dyambi ke, a bakima kwalɔ yasi hene ke menɔgabiye kamɔ kamɔ, bu ngabiye kwalɔ meyasi mete wete wete nye nye. ⁵ Ke njoka benday be Levi ban ketete botu be nyena sadaka nye Njambiyɛ. Membonga me Njambiyɛ te yi Moyisi ketima ke ke nye bo deti te yi diye ngabiye kamɔ ke mebo me mumɔ hene ke kando Isarayel. Yite nde, bo diya ndi ke mebo me bemaɔ ban, ko beko nde, bene bo hene wula ndi ke mekiyo me Abaraham. ⁶ Ma ke be Melkisedek, a yeti ne nday Levi nda bo na. Ko dete, a boɔma ngabiye kamɔ ke mebo me Abaraham. A ka sendi mbombu yi nye Abaraham mekombila, nye mo te yi Njambiyɛ kpoma meyasi nye nye ko. ⁷ He duwa gbate nde, mo te e nye jakoso mekombila ko kwa mo te e bu mekombila boɔgo ke mebo mene ko. Yite kine meso na. ⁸ Ke yi benday be Levi te yi wuse lepe no be bu ngabiye kwalɔ meyasi wete wete ke njoka menɔgabiye kamɔ ke meyasi hene te yi mumɔ be no ke, bo gbela botu bete be ta si gwe gwako. Ma yasi wete, ke yi Melkisedek, mekana me Njambiyɛ lepi nde, nye mo te e boɔma ngabiye te ke mebo me Abaraham ko, nye mo te e ne jon. ⁹ He yakama lepo nde nge? Ko Levi, nye mo te e

diki bu ngabiye kamo ke mebo me njon ne ko nya sendi ngabiye kamo te yene nye Melkisedek kome Abaraham nya nye ngabiye te yene ké, ¹⁰ ko beko nde, ke ngimo te yi Melkisedek temma kè sangwa ne Abaraham ké, Levi ti pa jadye na. Wuse lépi nde, a nya Melkisedek yasi ne nje Abaraham, keto Levi nday Abaraham, nye mekiyo mene.

¹¹ Mesay me nyena sadaka nye Njambiyé te yi benday be Levi dikima kelo ké ba njuku membonga mete yi Njambiyé nya kando Isarayel ké. Ma mesay mete yi bo kelma ké má tonjukwe meyasi hene te yi Njambiyé kwadya ké, ma wete mo nyena sadaka dele e bonnama ne Melkisedek ti nje se tiko moy tu *Arón na. ¹² Yo nde, ke wete jonja bo mesay me nyena sadaka dya, yo diya nde, membonga senjinangwe sendi. ¹³ Ma Nyangwe Kumande wusu te yi wuse lepe no waka ko wula ke yija kando dele. Wete mo kando te ti pa be mo nyena sadaka nye Njambiyé wete yeso na. ¹⁴ Bomo hene ke kobile duwe nde, Nyangwe Kumande wusu ko wula ke kando Yuda. Kome Moyisi lepima kasi botu be nyena sadaka nye Njambiyé ké, a ti lepe kasi wete mo kando te na.

Kasi Mo te e nda Melkisedek ko

¹⁵ Mesay me nyena sadaka te yi botu be kando Levi dikima kelo ké ti be ne deti te yi tonje yasi te yi Njambiyé kwadya ké na. Yasi te yi tedye ne sanjan nde, yo dete ké, yo keto Njambiyé nja tembidyé mbanja mo nyena sadaka dele, mbete nda Melkisedek. ¹⁶ A ti bon diyoo mo nyena

sadaka, keto a wúla ke wete kando botu be nyena sadaka nda yi membonga me bomo pese ké na. Yasi wete, a bóŋ díyɔ te, keto nye ne ngunɔɔɔɔ te yi díyɔ ne jon kpo ne kpo. ¹⁷ Yo kwanama dete nda yi mekana me Njambye lepe ke kasi ne nde: <We mo nyena sadaka kpo ne kpo nda Melkisedek.> ¹⁸ Dete, Njambye sima li membonga mete yi mbombu, keto yo ti be ne deti te yi kelo yaja na. Sendi, yo ti be ne deti te yi jonɔwe mumo na, ¹⁹ keto membonga mete ti kele nde, mumo beki ne ngben ke mbombu Njambye na. Ma ndana, yo me ne yija yasi te yi kwanma membonga. Yo yasi te yi wuse be ne bibina temo kete, yo ke bute wuse nje yi ke no ke keki Njambye. ²⁰ Ke meyasi menori, Njambye kinjama yotu ne ne nguru wene. Ma ke tembidya botu be nyena sadaka te bari, a ti kinja yotu ne na. ²¹ Yasi wete, ke yi Yesu, ke yi Njambye tembidya ne nye ké, Njambye ne nguru wene kinjama yotu lepo nye nye nde: <Mi Baba Mboko kinjama nde, we Mo nyena sadaka kpo ne kpo. Ko mi ti yokidye se numbu na.> ²² Dete, Yesu nja be mo te e bakidye kpasa mbon te e kwanma e mbombu ke njoka su sine be Njambye.

²³ Ma yija yaja kete sendi, yo nde, ke yi botu be nyena sadaka te bari, bo ba budyate, keto bo dikima gwe, son ti tike nde, bo ken ne mesay man mbombu na. ²⁴ Ma ke be yi Yesu, yo yeti dete na, keto nye mo te e diyé kpo ne kpo. Dete, ko yeso wete ne wete mumo ti bu say mo nyena sadaka ke mebo mene na. ²⁵ Yo keto te yite sendi

yi nye yakama jonḡwe ɓomɔ hene be kwā ne nye kè nɔ kè yi Njambiye ndi tu wete ne sat, keto a ne jon kpo ne kpo. A ke ḡgweta ne Njambiye metu hene keto yan.

²⁶ Yo gba njel nyanḡwe kum ɓotu be nyena sadaka nda yɔko ε yakama ne wuse. A pupunate ke mbombu Njambiye. A kine meḡso na. A kine mɔnɔ mebeyɔ ne mbet ke yotu ne na. A yeti ne kumbɔ bene ɓotu be mebeyɔ na. Njambiye bendifya nye kenje ke dɔyɔɔ ke kwey. ²⁷ A yeti ne nda be nyanḡwe bekum be ɓotu be nyena sadaka te bari na. Ke yan, metu hene ɓo dɩkima pa nye sadaka nye Njambiye keto mebeyɔ mete yan ne ḡguru wan, nje nye sendi keto yi ɓotu be kandɔ. Ma ke yi Yesu, a nya sadaka nye Njambiye ndi tu wete ne sat. Yo nde, a nya yotu ne ne ḡguru wene ne sadaka. ²⁸ Nyanḡwe bekum be ɓotu be nyena sadaka te yi ɓo dɩkima tembifye beḡwe membonḡa me Mɔyisi baka ɓa ndi gbela ɓomɔ ne meḡso sendi. Ma ke be *Mɔnɔ, lepi te yi Njambiye njā lepɔ kinja yotu ne ké njā ɓu mbey membonḡa. Lepi te njā tembifye Mɔnɔ wene nyanḡwe kum ɓotu be nyena sadaka, kelɔ nde, a ɓêki kpo ne kpo ne njololo ke meyasi hene.

8

Yesu nyanḡwe kum ɓotu be

nyena sadaka te wusu

¹ Ma nyanḡwe yasi te yi wuse jeke kwadɔye lepɔ ké, yo nde: Wuse me ndana gbate ne nyanḡwe kum ɓotu be nyena sadaka nye Njambiye. A ka

dīyɔ metidyɛ kɛ kwey kɛ mbam bɔ Njambiyɛ te
 ε dīyɛ nɛ mɛyasi hɛnɛ kɔ. ² A kél mɛsay mɛ
 nyanɔwɛ kum botu bɛ nyɛna sadaka kɛ mbɛy
 te yi nɛ kiyɔ, kɛpa mbɛy te yi Baba Mbokɔ nɛ
 ŋguru wɛnɛ kombila, yeti mumɔ na.

³ Bo tɛmbidyɛ nyanɔwɛ kum botu bɛ nyɛna
 sadaka hɛnɛ, na bɔ mɛyasi kaɛ nyɛ Njambiyɛ,
 wo sendi bɛnyamɔ kelɔ nɛ sadaka nyɛ nyɛ.
 Dete, yo kimɔte nde, nyanɔwɛ kum botu bɛ
 nyɛna sadaka te wusu bêki sendi nɛ yasi te
 yɛnɛ yi nyɛ ta nyɛ Njambiyɛ kɛ. ⁴ Ndi nde, a
 má bɛki kɛ mɛnɛti maka, ko ma nyɛ tĩ bɛ mɔ
 nyɛna sadaka na, keto yo nɛ gwɛyɔ botu bɛ
 nyɛna sadaka kɛte bɛ kaɛ mɛyasi nyɛ Njambiyɛ
 bɛɔwɛ mɛmbɔɔga mɛ Mɔyisi. ⁵ Mɛyasi hɛnɛ te
 yi bɔ kelɛ kɛ, yo gbɛla yekambiyɛ, yo kɛ bɔɔna
 bɔɔnanɔwɛ nɛ mɛyasi mɛte yi kelna kɛ d̄yɔbɔ
 kɛ. Yo d̄ete komɛ Mɔyisi kwadya sumɔ njɛl t̄y
 te yi bɔ kelɛ nɛ to mɛlamɔ yi wusɛ lɛpɛ nɔ kɛ,
 ε Njambiyɛ lɛpɛ nyɛ nyɛ nde: <Bɛɔna, kelɔ t̄y te
 bɛɔwɛ yekambiyɛ te yi mi tɛd̄ya wɛ kɛ keki kɛ.>

⁶ Ma ndana, hɛ bɛɔna nde, mɛsay mɛte yi *Krist
 kwanɔma gbate yi botu bɛ nyɛna sadaka te bari
 bud̄yate. Hɛ lépi d̄ete, keto mɛsay mɛ njunɔ
 te yi nyɛ kelma kɛ, a kelma yo nɛ nje kɛpa
 mbon te ε kwanɔma ε mbɔmbu, keto kimɔ kɛpa
 mɛyasi mɛte yi Njambiyɛ kpoma nyɛ wusɛ kɛ
 mɔy mbon te kɛ kwɔ mɛyasi mɛte yi nyɛ kpoma
 kɛ yi mbɔmbu kɛ.

⁷ Ma bosa mbon te yi Njambiyɛ kelma kɛ má
 d̄iy kinɛ mɛjɔsɔ na, ma nyɛ tĩ tike se mbete,
 nje kelɔ sendi mbaɔna na. ⁸ Yo gbate d̄ete, keto

Njambiyε lεpinama nyε kando dylene yί ndeye bo nde: <Nε bεηa, mi Baba Mboko ke lεpɔ nde: Ke metu mete yi nje kέ, mi ta kelo jonja mbon sine botu be kando Isarayel nε botu be kando Yuda. ⁹ Yo tί be nda mbon te yi mi kelma sine besanmbambo ban ke ηgimɔ te yi mi biyma bo ne gba bo mbe punje soηe ke meneti me Ejipt kέ na. Nda bo tί kε mbombu beηgwe mbon te kέ, ε mi soηe temɔ ke yotu yan. Yo mi Baba Mboko lεpe dεte. ¹⁰ Ma mbon te yi mi ta nje kelo sine botu be kando Isarayel kέ, yo nde, ke menηgimɔ mete yite si kwa, mi ta ηgba mεmbonηa mεmbe ke dyanɔ dyan keto yo ke metemɔ man. Mi ta be Njambiyε wan, bo mά be kando dεyembe. ¹¹ Ko mbaηa mumɔ tί lεpɔ se nyε jakɔsɔ ho nyε maη tedye nyε nde, a dūkwe Baba Mboko na. Keto mumɔ hεne ta duwe mi kande bonɔsike kumɔ betomba hεne. ¹² Yo ta kelna dεte, keto mi ta tiko bo ne ηgwete ke kotu mekele man. Mi tί take se mεbeyɔ mete yi bo kelma kέ na.> ¹³ Ma ηge Njambiyε lεpe kasi jonja mbon, yite tédya nde, a pesima nde, bosate sima jombe. Ma ηge yiηa njombu yasi si jombe, yite yo ta be ke yambile.

9

Njombɔ kanna Njambiyε ke njombu mbon

nε ke jonjate

¹ Bosa mbon bɔ ne mεmbonηa mete yene yί tedye nda yi bomɔ yâkanηwe kelo ne mesay nyε Njambiyε kέ. Yo bɔ sendi ne mbeη kiyɔ te wene yi bomɔ summa ne mεbo man kέ. ² Yo nde,

bo kelma tɔ ne to melambo. Bosa tonɔari te yi dɔye kete k , bo j bangwe nde Mbey te yi ne kiy . Bo dikima tik  yasi te yi bo kase lambo kete k  womete, bɔ tebel n  memampa mete yi bo kaɛ nye Njambiy  k  kete. ³ Ke k ɔ lambo yibate yi bo kesa ke k ɔ tonɔari te ete k , we k m ke wete tonɔari sendi. Bo j bangwe mbete nde Mbey te yi ne kiy  laɔsa y ru. ⁴ Ke m y tonɔari te, yo b  ne wete mbey te yi bo dikilodɔye meyasi mete yi ne kim  metul k . Mbey te b  hene tande l r ne l r. Bo dikima lodɔye yiɔa kwal  mut  te yi ne kim  metul k  kete. Kponɔi te yi tedye mbon ke njoka Njambiy  bene botu bene k  b  sendi ke tonɔari te. K ɔ kponɔi te b  hene tande l r ne l r. Wete pan b  ke m yte tande l r ne l r, yiɔa medɔye nde man b  ke m yte. Wakatiki te yi *Ar n b  n  yi menjam mejeti loma kete k  b  sendi ke m y kponɔi yin ri. Mepel metari yib  te yi Njambiy  ketima membonɔa mete yi tedye mbon ne bene kand  Isarayel k  b  sendi ke m yte. ⁵ Bo sama yekambiy  nyangwe baɔa bejaki be Njambiy  yi bo jeba nde Beserub  baka kase ke to kponɔi yin ri. Bejaki ben ri tedɔya nyangwe meluksa me Njambiy . Wukume mepap  man petima to kponɔi kome bo dikikel  sadaka te yi soɔna mebey  me bom  k . Ma ɔgim  te yi nemb  ne yo ndana ne kwet kwet yeti na. ⁶ Yo nde, ke bo ma si kombile meyasi hene dete k ,   botu be nyena sadaka nye Njambiy  nje dikinyiɔe ke bosa tonɔari menɔim  hene yi kel  mesay man. ⁷ Ma ke be tonɔari yibate, ndi nyangwe

kum botu be nyena sadaka nyepo nyiŋe mate. Ke sew wete, a nyiŋa ndi tu wete. A ti yaka nyiŋe kine kè ne mekiyo me nyamo yi kelo ne sadaka keto mebeyo mete yene ne nguru wene nè keto mebeyo mete yi botu be kando kele ne jekwe ké na. ⁸ Kimò Sisiŋ kwadya tedye komete nde, piŋo te yi bosa tongari ba ndi kete, nje te yi kumo no ke tongari te e ne kiyò laŋsa yoru ko ti pa butuna pundo puye na. ⁹ Meyasi menori tedya yekambiyè meyasi mete yi kwanŋa ndana ké. Yo tedya nde, meyasi mete yi bo nye Njambiyè nè mesadaka me benyamò te yi bo kele nye nye ké ti kelo nde, temò mò te e nye yo ko bêki ne te ke menje hene na. ¹⁰ Membonŋa mete béŋa ndi kasi meyasi mete yi membundo, kasi medye nè meyasi mete yi mumò hobiye nè budya jaki jaki kasi weyna yotu nè weyna meyasi. Membonŋa menori diyma kumo ke ngimò te yi Njambiyè nja senjo ne meyasi hene ké.

¹¹ Ma *Krist sima nje, nye nyanŋwe kum botu be nyena sadaka nye Njambiyè, né wuse be ne kimò meyasi mete yi nye sima kombile, na nye wuse ké. A kél mesay mene ke mbey te yi ne doko kwà tɔ lambò te e mbombu. Yo sendi kpasate budyate, yo ne nyonjo kwà ete. Yeti bomò sume yo na. Yo yeti sendi waka ke to meneti na. ¹² Ke yi *Krist nyiŋma no ndi tu wete ne sat ke mbey te yi ne kiyò ké, a ti bu mekiyo me bembam tabò ho mekiyo me bembam benday kè no na. Yasi wete, yo ngbak ngbak mekiyo mene yi nye ka no. Yo mekiyo mene soŋe mebeyo musu, jonŋwe wuse kpo ne kpo. ¹³ Bo dikima bu mekiyo me

bembam tabo nè yi bembam benday, nyanje ke yotu botu bete be ne sembo ke yotu yí weye ne bo soṅe ne sembo ke yotu yan. Bo dikima biye sendi nyari nday wo ba nye lodye, bu su te kelo sendi no dete. ¹⁴ Ma ṅge be nde, mekiyo me benyamo nè su te yite ba ne deti te yi kelo dete 'suṅwa ne mekiyo me Krist? 'Yene kina kél kwá yite na? Ne deti te yi Kimó Sisiṅ te e diye kpo ne kpo ko, Krist mo te e kine mbulma mebeyo ko nya yotu ne ne sadaka nye Njambiyé. Mekiyó mēne ta pupudye metemo musu gbate soṅe ke mekele mete yi kè ne mumo ke nje soṅ, né wuse kel mesay nye Njambiyé te e ne joṅ ko.

¹⁵ Yo dete nde, *Krist kelma say njuṅo te yí kelo jonja mbon, né botu bete be Njambiyé jebama baka be ne kimó meyasi mete yi nye sima kpo ké. Keto Krist gwá yí soṅe ne mebeyo mete yi bomo kelma ke ṅgimo njombu mbon ké. Meyasi mete yi nye kpoma dete ké ta diyo kpo ne kpo. ¹⁶ Yo nde, ṅge mumo si nye numbu keto nda yi bo yákanṅwe kabo ne meliko mēne ké, bo disi kabo meyasi mete, ṅge bo lepe nde, mo te gwá. ¹⁷ Ma piṅo te yi mo te ndi kete ne joṅ, mekana mete yi nye ketima ké yeti ke nye bomo deti te yi kelo yaṅa na, keto yo nyéki bomo deti, ṅge mo te gwe. ¹⁸ Dete sendi, mesay me bosa mbon ti kande kine nde, mekiyo paṅ pa nyanja na. ¹⁹ Ne mbombu, ke Moyisi ma si nembé to membonṅa wete wete nye ndiṅgele kando hene nda yi yo diye ketinate ke mekana me membonṅa me Njambiyé ké, e nye bu mekiyo me bono benday nè yi bembam tabo saṅṅwe ne moroku. E nye nje bu yiṅa tena

lambɔ nɛ haŋgbe haŋgbe nɛ toŋa wɛtɛ mɔnɔ jɛti nde *yisop tɔpɛ ketɛ kwɔ nyanjɛ kɛ gba mɛkana mɛ mɛmbɔŋga nɛ kɛ yotu bɔmɔ hɛnɛ lɛpɔ nde: ²⁰ <Yikɛ mɛkiyɔ mɛtɛ yi Njambiyɛ kelɛ nɛ mɔn yí pɛsɔ nde, wunɛ wókunaŋgwe nɛ nyɛ.> ²¹ A nyanja sendi mɛkiyɔ mɛtɛ ndi dɛtɛ kɛ tɔ te yi bo kelma nɛ to mɛlambɔ nɛ kɛ ndiŋgɛlɛ mɛjɔlɛ mɛtɛ yi bo diki ma kelɔ nɛ mɛsay yí kanɔ nɛ Njambiyɛ kɛ. ²² Bɛŋgwe yasi te yi mɛmbɔŋga lɛpɛ kɛ, yo mɛkiyɔ pupudye sulo mɛyasi hɛnɛ. Yitɛ nde, ŋgɛ mɛkiyɔ ti nyanja na, Njambiyɛ yeti kɛ tiko mɛbeyɔ mɛ mɔmɔ nɛ ŋgwɛtɛ na.

Mɛkiyɔ mɛ Krist kɛ sɔŋɛ mɛbeyɔ

mɛ bɔmɔ

²³ Dɛtɛ, nda bo kɛ pupudye mɛyasi mɛtɛ yi tɛdye ŋgbak ŋgbak mɛyasi mɛtɛ yi diyɛ kɛ dɔyɔbɔ kɛ nɛ njɛ te yitɛ, yo diya nde, bo púpudya sendi ŋgbak ŋgbak mɛyasi mɛtɛ yi diyɛ kɛ dɔyɔbɔ kɛ nɛ njɛ kpasa sadaka te yi kwanjama mɛsadaka mɛtɛ yiri hɛnɛ. ²⁴ Keto mbɛy te yi nɛ kiyɔ yi *Krist nyinma ketɛ kɛ, yeti yikɛ yi bɔmɔ sumɛ nɛ mɛbɔ man kɛ na. Yikɛ yi bo sumɛ kɛ tɛdya gbɛla yekambiyɛ ŋgbak ŋgbak mbɛy te yi Krist nyinma ketɛ kɛ. Yasi wɛtɛ, Krist nyina nɛ kɛ gba dɔyɔbɔ yí kɛ ŋgwɛtɛ nɛ Njambiyɛ keto su. ²⁵ A ti nyina mate, na kɛ mbombu yí nyɛ yotu nɛ nɛ sadaka na. A ti kelɛ nda yi nyanŋgwe bɛkum bɛ botu bɛ nyɛna sadaka nyɛ Njambiyɛ diki kelɔ kɛ na. Keto kɛ yi nyanŋgwe kum botu bɛ nyɛna sadaka nyɛ Njambiyɛ, yo sew hɛnɛ yi nyɛ diki bɔ mɛkiyɔ mɛ bɛnyamɔ nyinɛ nɔ kɛ

tonɔari te ε ne kiyɔ lanɔsa yɔru kɔ. ²⁶ Má ðeki nde, Krist nyiɔna sew hene mate ðete, ma yo ða nde, a sãngwanɔwe ne meɔone menɔa buɔyate kande ke yi Njambiye ma kusu ne mboko ké. Ma ndana, ke ngimo te yi mboko te yoko ke siyo ké, a nja punje yotu ndi tu wete ne sat yi nye yotu ne ne sadaka yi soɔe ne mebeyo me ðomɔ. ²⁷ Ma nda yo kponate nde, mumo gwãki ndi tu wete, ke kɔnte, Njambiye ke peso josi ne ké, ²⁸ ðete sendi, Krist nya yotu ne ndi tu wete yi soɔe ne mebeyo me buɔya ðomɔ. A ta ðasidye nje ke menɔa yibate, yeti se yi soɔuna mebeyo na, yasi wete, yo yi jɔngwe botu ðete ðe laɔye nye ðaka.

10

¹ Yo nde, membonɔa me Njambiye yi Moyisi ketima ké teɔya yekambye kimo meyasi mete yi ke nje ké. Yo yeti ke teɔye nɔbak nɔbak meyasi mete ne yotu na. ðete, ko membonɔa mete yeti ne ðeti te yi kelɔ nde, botu ðete ðe nje ke yi Njambiye ne nje kelna kiya mesadaka mesew hene ðaka ðêki ne njololo ke meyasi hene na. ² Yo má ðeki nde, botu ðete ðe nye mesadaka ðete ðaka njãki nje ðe pupunate ndi tu wete ne sat, ma ðo yeti ke kè se mbombu yi kala nye mesadaka na, keto yiɔa mebeyo mete yi ðo ta take sendi ke temo yan yeti se na. ³ Ma yasi wete, nyena mesadaka mete yinɔri kél nde, mumo kè taka mebeyo mete yi nye kele ké yaka ne mesew wete wete. ⁴ Yite nde, mekiyo me ðembam ðenday nè yi ðembam taɔo yeti ne ðeti te yi soɔe mebeyo me mumo na. ⁵ Yori, ke ngimo

te yi *Krist b̄a n̄d̄o te yi nje ke mboko k̄é, ε nye l̄epe nye Njambiȳe nde: <Ko wona b̄enyam̄o yí nye n̄e w̄e sadaka ko nyena ȳo ȳiṅa m̄eyasi, w̄e t̄i ḡor̄e na, yasi w̄ete, w̄e nya mi yotu te yi mum̄o. ⁶ Ko menjay m̄ete yi b̄o lod̄ye lod̄yukw̄e yí kel̄o n̄e sadaka nye w̄e k̄é ko mesadaka m̄ete yi b̄o kel̄e yí soṅna m̄ebeȳo, w̄e t̄i nye tem̄o ke yite h̄ene na. ⁷ Dete, ε mi l̄epe nde: Njambiȳe b̄eṅa, mi yima, né mi k̄è kel̄ yasi te yi w̄e kwad̄ye b̄eṅw̄e yasi te yi yo ketinate ke kasi m̄be ke m̄oy m̄ekana m̄o k̄é.> ⁸ Bosa yasi te yi Krist l̄epima k̄é, ε nde: <Ko nyena ȳo mesadaka ko nyena ȳo ȳiṅa m̄eyasi ko lod̄ya menjay ko nyena sadaka te yi soṅna m̄ebeȳo, m̄eyasi men̄ori h̄ene, w̄e t̄i ḡor̄e, ko nye tem̄o ȳo kete na.> Ko b̄ek̄o d̄ete, m̄embon̄ga ke l̄ep̄o nde, yo k̄êl̄nan̄gw̄e d̄ete. ⁹ Ke k̄on̄te, Krist ke l̄ep̄o sendi nde: <Njambiȳe b̄eṅa, mi yima, né mi k̄è kel̄ yasi te yi w̄e kwad̄ye!> Dete, Krist ke tiko bosa mesadaka m̄ete yiri yí nje temb̄id̄ye yibate. ¹⁰ N̄e nje te yite Yesus Krist kelma yasi te yi Njambiȳe kwad̄ya k̄é. Dete, ε Njambiȳe pupud̄ye wuse keto sadaka te yi Krist nya n̄e yotu n̄e ndi tu w̄ete n̄e sat k̄é.

¹¹ M̄o nyena sadaka nye Njambiȳe h̄ene ke d̄iȳo ke teri m̄etu h̄ene yi kel̄o mesay m̄ene. A d̄iki kel̄o sadaka ndi n̄e kiya m̄eyasi m̄ete yi kin̄e d̄eti te yi soṅe m̄ebeȳo w̄ete yes̄o na. ¹² Ma ke b̄e *Krist, a nya yotu n̄e n̄e sadaka nye Njambiȳe ndi tu w̄ete yí soṅe n̄e m̄ebeȳo. Ke k̄on̄te, ε nye kw̄a k̄è d̄iȳo m̄etid̄ye ke mbam b̄o Njambiȳe k̄po n̄e k̄po. ¹³ A d̄iȳ ndana yí lad̄ye ṅgim̄o te yi Njambiȳe ta kawule b̄epend̄o b̄ene tiko ke n̄ji m̄ekol m̄ene.

14 Dete, ne nje nyena sadaka wete ne wete nye Njambiye, a kelma nde, botu bete be Njambiye sima pupudye baka bēki ne njololo ke meyasi hene kpo ne kpo. 15 Ma Kimō Sisiṅ sendi ke jaye lɛpō nye wuse nde, yo gbate dete. A kandima si lɛpō lɛpi ke ne mbombu nde: 16 <Mbon te yi sine bo ta kelō ké, yo ta be deke: Mi, Baba Mbokō ke lɛpō nde: Ke kōṅ metu mete, mi ta nye membonḡa membe ke metemō man, mi má ketō yo sendi ke medyano man. 17 Mi tí take se mebeyō man ko kotu mekele man wete yeso na.> 18 Yite nde, komē Njambiye si tikō mebeyō me mumō ne ḡgwete ké, yo yeti ke diyē se nde, bo nyēki sendi yiṅa sadaka yí soṅe ne mebeyō na.

He kēn kē yi Njambiye

ne bibina temo

19 Wune njōṅ, dete wuse me ne gba bibina temo te yi nyiṅe lalē ke mbey te yi ne kiyō keto mekiyō me Yesus. 20 Yí nyiṅe nō mate, Yesus butuma wuse nje te, kande kwā kete. Yo jōṅja nje, yo sendi nje te yi nye wuse jōṅḡwe. A búta nje te nye wuse komē lambō te yi bā kesate ke mbanjō Njambiye nyaliya nō ké. Lambō te yi nyaliya ké téfya yotu ne yi bo ḡgbama ke kroa ké. 21 Ndana wuse ne nyangwe kum botu be nyena sadaka nye Njambiye e kende ne ndiṅḡele *Kandō Njambiye kō. 22 Ma dēte, he kēn ndana ke kēki Njambiye ne temo te yi ne ḡḡben kine mesebila na, tikō temo hene ke yene yí kē nō kine meso na. He kēl dēte, keto mekiyō me Yesus sima pupudye metemō musu soṅe beya metake.

A weyma sendi wuse ne pupuna moroku. ²³ Ma ndana, he ken mbombu yi lepo yasi te yi wuse tike temo kete ke misi bomo kine yokwe ne kon na, keto mo te e kpoma meyasi mete ko tonjukwe ndi meyasi mete yi nye si kpo ke. ²⁴ Yo kimote nde, baka taka beso, nyena menkite yi kelo nde, wuse kwadyangwe kelo kimo mekele. ²⁵ Ma he fi tiki kine difi wesidya se na nda yi bana difi kelo ke na. Yasi wete, baka nyeki beso deti ke temo, jeko kwa kwanjo nda yi wune duwe nde, *Yeso te yi Nyangwe Kumande ta nje kete ke ke wuta.

²⁶ Yo nde, wuse sima woko duwe fan nje Njambiyε. Ma ke wuse nje ke mbombu ke konte kelo beya yasi ne nyalo, komete, kine se sadaka wete ne wete ta nyena sendi yi soje ne mebeyo na. ²⁷ Yite wuse ta diyoo ne nyangwe wo yi ladiye ne pesina josi ne ngwey ngwey jon dite te yi ta girise bependo be Njambiyε ke. ²⁸ Wune duwa nde, nge mumo bekiye membonga mete yi Moyisi ketima ke, ma nge bomo yiba ho yitati ke njoka botu bete be diyma ke mbej te baka nje jaye nde, mo te kelma gbate dete, o beta, bo ke wo nye kine monoo gwena ngwete na. ²⁹ Nge be dete, 'ma wune taka nde, yo ta nje be nan pe yi mo te e beta Monoo Njambiyε nda sara mbaya ke misi mene, besile mekiyo mene yi Njambiyε kelma ne mbon yi pupudye ne mo te ke? Yo ta nje be ba nan pe yi yoko e wungwe Sisiη te e kele ngikwa ne wuse ko? 'Wune taka nde, njel ponsi te yi mo te ta sangwa no ke ta be nan? ³⁰ He lepi dete, keto he duwa mo te e lepima nde:

<Mekundo, yo yembe, yo mi yokidye ndi beya yasi te yi bomo kele ké nye ndi bo.> A lepima sendi nde: <Yo mi, Baba Mboko ta peso josi botu bembé.> ³¹ Ma yo gba beyate budyate nde, mumo bâl ke mebo me Njambiyé te ε ne jon ko. ³² Wunε tâka nda yi wunε jonnama no mbombu ke konte yi Njambiyé paniya ne mejasi nye wunε ké. Wunε sanɔwama ne beya nyaɔwε mebone ke ngimo te yite, ε wunε sumε kol jeliye. ³³ Ke yiɔa menɔgimo bo dikima tembidye wunε ke misi me bomo yí wunɔwε wunε tedye sendi wunε mebone. Ke yiɔa menɔgimo sendi, wunε nya sendi yotu yí sanɔwa ne mebone wunε botu bete be sanɔwama ne meyasi menori baka. ³⁴ Yo nde, wunε jayma yí sanɔwa ne mebone wunε benjon bun be ba ke jobo baka. ε wunε jaye sendi lalε ne mesosa nde, bomo ngangila meyasi mun, keto wunε duwɔ nde, wunε ne meyasi mete yi ne nyonjo lanɔa yite. Yo meyasi mete yi diyε njombu diyɔ. ³⁵ Dete, wunε tí tiki bibina temo te yi wunε be no ke yi Njambiyé ké na. Nge wunε kè mbombu yí be ne bibina temo dete, wunε ta be ne nyaɔwε sol. ³⁶ Yasi te yi wunε yâkanɔwε kelɔ, yo nde, wunε bêki ne tin yí kelɔ yasi te yi Njambiyé kwadyé ké, né wunε nje be ne yasi te yi nye kpoma nye wunε ké. ³⁷ Yori yi Njambiyé lepe nde: <Ma ngimo bukwa ndi ne mbet, yo bukwa ndi gba ne mbet, né mo te ε yâkanɔwε nje ko dya. A tí kiko ne dyanate na.> ³⁸ Njambiyé lepima sendi nde: <Mo te yi mi si peso nde, a me ne ngben ke mbombu wombe ko ta ju ndi ne nje tikina temo te yi nye tike ke yembe ké. Ma nge

nye yɔkwɛ kɛ̀ njimɛ, temɔ mbe tí ðiye nye na.›
³⁹ Ma ke ðe wuse, wuse yeti su ke njoka botu ðete
 ðe yɔkwɛ kɛ̀ njimɛ yí yambile nɔ na. Wuse su ke
 njoka botu ðete ðe tike temɔ ke yi Njambiye yí
 jonɔwe ne sisinɔ yan ðaka.

11

Kwalɔ tikina temɔ te yi botu ðe

mbɔmbu ða nɔ ké

¹ Tikina temɔ ke yi Njambiye, yo kome mumɔ
 ðe ne ðibina temɔ nde, meyasi mete yi nye tike
 temɔ kete ké ta kelna gbate. Yo sendi kome
 mumɔ jaye gbate nde, meyasi mete yi nye yeti
 ke ðeɲe ne misi ké kete gbate. ² Yo tikina temɔ
 te yi ðaɲa botu ðete ðe jonɔma mbɔmbu ða
 nɔ ké kele nde, Njambiye jáya ðo. ³ Yo ne nje
 tikina temɔ yi wuse kobile duwe nde, Njambiye
 kusuma mbokɔ ne lepi te yi punduma ke numbu
 ne ké. Yite nde, meyasi mete yi wuse ðeɲe muka
 ké ti wúla ke meyasi mete yi wuse ðeɲe ké na.

⁴ Yo tikina temɔ te yi Abel ða nɔ ké kele nde,
 a nyêki Njambiye kpasa sadaka lanɔsa yi *Kayin.
 Yo yite kele nde, Njambiye ne ɲguru wene pêsi
 nde, Abel me ne ɲgbeɲ ke mbɔmbu wene, jaye
 ne sadaka ne. Abel ma kiki gwe, ko ðete, tikina
 temɔ te yi nye tikima ke yi Njambiye ké ke kelo
 nde, a lêpinanɔwe nye wuse kumɔ ndi muka.

⁵ Yo tikina temɔ te yi Enɔk ða nɔ ké kele
 nde, Njambiye ðôn nye ne jon kɛɲe ðyɔðo, ma
 nye nje sanɔwa ne sɔɲ. Bomɔ sanɔma nye kine
 dolɔ na, keto Njambiye ðonɔma nye. Mekana me

Njambiyε ke lepɔ nde, piɲɔ te yi Njambiyε tĩ pa bɔ nyε ne jon kenje d̄yobɔ, Njambiyε b̄a ne mesosa ne nyε. ⁶ Ma n̄ge mumɔ ti tike temɔ ke yi Njambiyε na, ko Njambiyε tí bε ne mesosa ne nyε na. Yo nde, mɔ te ε kè ke yi Njambiyε kɔ j̄aya nde, Njambiyε kete gbate, a j̄aya sendi nde, Njambiyε nyêki kimɔ meyasi nyε botu bete bε gɔse nyε baka.

⁷ Yo tikina temɔ te yi Nɔy b̄a nɔ ke yi Njambiyε ké kele nde, a s̄aki nyan̄gwe kuka yí jon̄gwe ne botu bε tɔ d̄yene. Njambiyε kombila lepɔ meyasi mete yi ta kwan̄na ké nyε nyε piɲɔ te yi nyε tĩ pa b̄eɲe yo b̄eɲa ne misi mene na. A jesima Njambiyε wokɔ men ne, sa nyan̄gwe kuka. Yasi te yi nyε kelma ké téd̄ya nde, mekele me botu bete bari b̄a beyate. Tikina temɔ te yi Nɔy tikima d̄ete ke yi Njambiyε ké kelma nde, Njambiyε b̄êɲa nyε nde n̄gben̄ mumɔ.

⁸ Yo keto Abaraham tikima temɔ ke yi Njambiyε, yori yi nyε wokuma jeban ne, temε kw̄a kè ke meneti mete yi Njambiyε kpoma nde, a ta nyε nyε ké. A temma kw̄a kine duwe mbey te yi nyε kè kete ké na. ⁹ Yo tikina temɔ te yi nyε b̄a nɔ ké kele nde, a k̄ên kè d̄iyɔ ke meneti mete yi Njambiyε kpoma nyε nyε ké, ko nde, a b̄a j̄en̄gwe. A d̄ikima jon̄na ke metɔ mete yi bo kele ne to melambɔ ké. Isak bene Yakop jon̄nama ke kiya kwalɔ metɔ mete sendi. Njambiyε kpoma meneti mete nyε bo sendi. ¹⁰ Abaraham jon̄nama ke metɔ melambɔ mete yite yí lad̄ye nde, a nȳɲa ke d̄ya te yi mekol metɔ bε jelnate ké. Yo Njambiyε gba d̄yano te yi sumɔ yo. Yo sendi nyε

ne nguru wene sume sendi yo.

¹¹ Yo keto Sara tikima temo ke yi Njambiye, e Njambiye nye nye dete te yi ja yi kuso ne kando, ko beko nde, a sima jombe. Yo kelnama dete, keto a ba ne bibina temo nde, Njambiye te e kpoma meyasi mete ko ta tonje yo. ¹² Dete, nyanngwe kando nja jadye wule ndi ke njombu mbam wete e me diyoo ladiye ndi ne son ko. Buyo botu be kando te nda besiso bete be diyee ke dyoboo baka, buyo yan nda mesey me man, bo ti yaka tolo buyo yan na.

¹³ Botu baka hene tikima temo ke yi Njambiye gwe no. Ke meyasi hene te yi Njambiye kpoma nye bo ke, bo sambila misi beje ndi yo beja ne nan, pepidye bo kenje, yasi wete, bo ti nje be ne meyasi mete na. Bo jayma lepo nde, bo bejengwe, bo beakwankwango ke meneti maka. ¹⁴ Botu bete be lepe dete baka ke kobile tedye nde, bo ke nye sosu yi kumo ke dya te yan. ¹⁵ Ma bo ma gwaki wombolo dya te yi bo wulma kete ke, ma bo yokwa ne koko ke mate. ¹⁶ Yo nde, dya te yi bo nya sosu yi kumo ndana kete ko lan be kimote ne bosa te yoru. Yoko yi bo lepe no ko pele dyoboo. Dete, Njambiye yeti ke gwe ngon nde, bo jebangwe nye nde Njambiye wan na, keto a sima kobile dya tike bo.

¹⁷ Yo tikina temo te yi Abaraham ba no ke kele nde, a bon mono wene Isak nye ne sadaka nye Njambiye ke ngimo te yi Njambiye lepima nde, a kel dete ke. Njambiye lepi dete yi bo be ne nye. Yo kiko mono wene yi nye nya Njambiye ne sadaka ru. A kelma dete, ko beko nde, Njambiye

kpoma yiṅa yasi nye nye ¹⁸ lɛpɔ nde: <Ngbak nḡbak bɛnday ɓɔ, yo ɓaka be ta wule ke mɛkiyɔ mɛ Isak.> ¹⁹ Abaraham dɪkima lɛpɔ ke moy temɔ ne nde, Njambiyɛ ne dɛti ko yɪ womiyɛ mumɔ soṅɛ ke njoka bɛmuṅ. Yori yi Njambiyɛ yɔkidya ne mɔnɔ wene nye nye kɛ. Yo ke tɛdye wuse yiṅa yasi te yi ta kwanṅa kɛ.

²⁰ Yo tikina temɔ te yi Isak ɓɔ nɔ kɛ keɛ nde, a nyɛki Yakɔp bɛne Eso mɛkombila ke mɛyasi mɛte yi ta kwanṅa ke jonḡwe dyan ke mɛtu mɛte yi nje mbɔmbu kɛ.

²¹ Yo tikina temɔ te yi Yakɔp ɓɔ nɔ kɛ keɛ nde, ke nḡimɔ te yi nye ta be ke gwe kɛ, a nyɛki ɓonɔ be Yosep hɛne mɛkombila, kwɔ jɛkima tonḡolo ne kano Njambiyɛ.

²² Yo tikina temɔ te yi Yosep ɓɔ nɔ kɛ keɛ nde, ke jonḡwe dylene ma si wuta ne siynate, a lɛpi nye ɓonɔ be kando Isarayɛl nde, ɓo ta dɛwe ke Ejipt, lɛpɔ sendi yasi te yi ɓo yɔkanḡwe kelo ne mɛyesɔ mɛne kome ɓo ta kwɔ kɛ.

²³ Yo tikina temɔ te yi sanḡwe ne Moyisi bɛne nyanḡwe ɓɔ nɔ kɛ keɛ nde, ke ɓo ma ja nye, ɓo sɔdyukwe nye ke tɔ ke mɛnḡwendɛ yitati kine kamba mbonḡa te yi kumande nya kɛ na. ɓo kelma dɛte, keto mɔnɔsike ɓɔ ne nyonɔ.

²⁴ Yo tikina temɔ te yi Moyisi ɓɔ nɔ kɛ keɛ nde, kome nye ma si dɔko be mumɔ kɛ, a sɛṅa nde, ɓomɔ tɪ jɛbanḡwe nye nde mɔnɔ te ɛ nḡondu Farawon na. ²⁵ A lanḡa bɛnɛ kimɔte nde, a sanḡwanḡwe ne mɛbɔne bɛne ɓotu be Njambiyɛ, lanḡa nde, a kɛn mbɔmbu jonḡa ke nyem nyem jonḡwe, kelo bɛya yasi ke mɔnɔ

metu mete yi mumo kwanɔdye ke meneti maka ké. ²⁶ A beɲma nde, ɲge nye sanɲwa ne wunɲwa keto *Krist, yite gba mberi yasi budyate laɲsa kɲasa mekusuku mete yi diye ke Ejipt ké, keto a sambila misi kenje londunate yí beɲe ne sol te yi Njambiyɛ ta nye nye ké. ²⁷ Yo tikina temo te yi nye ba no ké kele nde, a tɛma duwe ke Ejipt, yeti keto a gwɔ wɔ nyanɲwe ɲgambi kumande na. A pɛsima dɛte, biye ne bo dɛke nda a ba ke beɲe Njambiyɛ te yi bomo ti beɲa ko. ²⁸ Yo sendi tikina temo te yi nye ba no dɛte ké kele nde, a lɛpi nye botu be Isarayɛl nde, bo woku bono besam yí kelo ne wete jesu nde *Paska. Yo tikina temo te yi nye ba no ké kele nde, a lɛpi nye bo nde, bo bôɲ mekiyo me bono besam bete nyanje ke menumey man, kamba jaki Njambiyɛ te e ta nje wo betomba moy ke meneti me Ejipt baka me nje wo sendi botu be Isarayɛl.

²⁹ Yo tikina temo te yi botu be Isarayɛl ba no ke yi Njambiyɛ ké kele nde, bo sâbikwe Tena man ne mekol nda yi mumo kende no ke kutu kutu meneti ké. Ma ke botu be Ejipt ma boɓe kwa sendi dɛte ké, e duku si memiyɛ bo.

³⁰ Yo tikina temo te yi botu be Isarayɛl ba no ké kele nde, nyanɲwe ndoko te yi linja Yeriko ké gbunɲgulanɲwe. Bo dikima kendo linje yo ke meyeso yitan jo yiɓa.

³¹ Yo tikina temo te yi Rahab te nya mewanja ba no ké kele nde, bo ti woku nye ke yi bo woma ne botu bete be ti tike temo ke yi Njambiyɛ baka na. A ti sombe soɲ na, keto a bonma botu bete be potama nje beɲe teri dya baka ne te.

³² Mi ta kè mbombu lɛpɔ nɛ nɔgɛ? Nɔgɛ mi lɛpɛ ndana nde, mi ta pa sambile misi kɛnjɛ njimɛ yí lɛpɔ kasi Jedeyɔŋ nɛ Barak nɛ Samson nɛ Jɛfte nɛ Davit nɛ Samiyɛl nje bɔ botu be punja mɛlɛpi mɛ Njambiyɛ, yite ngimɔ ta siyɔ. ³³ Tikina temɔ te yi botu bɛtɛ bɔ nɔ kɛ yi Njambiyɛ kɛ kelma nde, bɔ lɔŋ dɔyambi nɛ yinɔ mɛkandɔ laŋsa bɔ. Yo kelma nde, bɔ nɔm bɔmɔ, kelɔ mɛyasi nɛ ngbɛŋ, kelɔ sendi nde, bɔ bɛki nɛ mɛyasi mɛte yi Njambiyɛ kpoma nyɛ bɔ kɛ. Tikina temɔ te yi bɔ bɔ nɔ kɛ kelma sendi nde, bɔ dɛbi numbu bɛdila. ³⁴ Yo kelma nde, bɔ gwɛsikwɛ jonjon nyan dɛtɛ, diyɔ kɛ numbu mɛkafa. Yo yo kelɛ nde, kɛ mbɛy te yi bɔ bɔ tɛkinate bɔ kpɔl nje bɛ nɛ dɛti, bɔ bɛki bɛngan dɔyambi kɛ misi mɛ dɔyambi potɔ njɔŋ mɛdɔyambi mɛte yi bɛtombɔ be dɛkima nje lɔ dɔyambi nɛ bɔ baka. ³⁵ Tikina temɔ te yi bɔŋa bɔmari bɔ nɔ kɛ kelma nde, Njambiyɛ wɔmkwɛ bɔmɔ ban bɛ si gwe baka nyɛ bɔ. Ma nɔgɛ bɛ bɔŋa botu bɛtɛ bɛ dɛkima tiko temɔ kɛ yi Njambiyɛ baka, bɔ tɛdɔya bɔ bɛya dɛtina mɛbɔnɛ. Ma nɛ nde, bɔ sɛŋa tikina temɔ te yi bɔ tikima kɛ yi Njambiyɛ kɛ, nɛ bɔ sɔŋ bɔ nɛ bɔ, bɔ kpalma jayɛ sɔŋ, nɛ Njambiyɛ womiyɛ bɔ wɛtɛ yesɔ, nɛ bɔ bɛ nɛ kpasa jonɔgwe laŋsa yikɛ. ³⁶ Kɛ yi bɔŋa, bɔ saŋgwama nɛ nyɛti, njuro bɔ nɛ njambala. Bɔ kɔ mbombu wotɔ bɔ nɛ mɛkɔl mɛ sumba nyɛ bɔ kɛ jɔbɔ. ³⁷ Bɔ lonma bɔŋa nɛ mɛtari wo, kilɛ bɔŋa nɛ njiki. Bɔ woma bɔŋa nɛ kafa. Bɔ bɔ nda bɛ yambala ngoto kinɛ mbɛy dɛiyɔ na. Bɔ dɛkima lɛŋɛ kotu bɛsam nɛ kotu bɛgbatabɔ, kɔ bɔ ti bɛ nɛ gbɛla mɔnɔ

mbulma yaŋa na. Bo tedya bo meɓɓɓe buɗyate kelo beya yasi ne bo. ³⁸ Bo dɩkima joŋna yan ke mekoŋgor, ke to mekeki, ke menɗuku metari nɛ ke menjɛmbi ke moɗ meneti. Joŋgwe dyan ɓa ne ngben, dɛte botu be meneti maka ti yaka joŋna bene bo na.

³⁹ Ma botu baka hene be Njambiyɛ jayma bo keto tikina temɔ te yi bo tikima ke yene kɛ ti biye ho beɗe yasi te yi Njambiyɛ kpoma nye bo kɛ ke ngimɔ te yite na. ⁴⁰ Yo nde, Njambiyɛ sima kombile yiŋa kimɔ yasi te yi nye ta nye wuse kɛ, laŋsa yiri yi bo dɩkima take kɛ. Ma Njambiyɛ ti kwadyɛ nde, bo kânda be ne kimɔ yasi te li wuse na.

12

Njambiyɛ tédya mumɔ meɓɓɓe

yí kite ne nye

¹ Ke be wuse, nyaŋgwe ngil botu baka sima memiyɛ wuse linje nda kulutu. Bo ke kaŋe misi yi beɗe ne wuse. Dete, he lɛŋ jaki jaki meyasi mete yi ndadyɛ wuse kɛ nɛ meɓeyɔ mete yi ti kiki ne buse wuse ne piyele kɛ. He lɛŋ meyasi menɔri hene nye kol ke soko te yi Njambiyɛ lepe nde, he kɛl kɛ. ² He lɛŋ meyasi mete kaŋe misi beɗe ndi ne Yesus. Yo nye kele nde, wuse kânda tikina temɔ ke yene. Ke tikina temɔ te yi wuse tike ke yene kɛ no mbombu kɛ, yo sendi nye ta tonje meyasi hene kumɔ njena. A sambila misi beɗe ne mesosa mete yi Njambiyɛ ta tonje ke temɔ ne kɛ. Dete, e nye jaye gbiso nde, bo ngbâki nye ke kroa, yeliye wuŋgwa te yi bo kelma ne nye

ké. Ma ndana, a metidyε ke siya bekum te yi Njambiyε pulo mbam bo.

³ Wunε tâka nyε. Wunε tâka nda yi botu be mεbeyo benma nε nyε, nyε bo ke dīte ké. Wunε tâka yo, kambō wunε mε nje tekō, kambō temō yun mε nje yōkwε kē njimε. ⁴ Ke tumbō te yi wunε dūŋε sunḡwε nε mεbeyo ké, wunε tī pa dūŋō kumō nde, sōŋ bīya wunε na. ⁵ 'Wunε ma lenṣa ka mεlepī mεte yi Njambiyε lepima nyε wunε yī nyε nε wunε dēti nda yi sanḡwε nε bōnō kele nε bōnō benε ké? A lepima nde: <Mōnmbe, ŋḡε Baba Mbokō tedye wε mεbōnε yī kite nε wε, wε tī yelkwε na. Ma, ŋḡε nyε gayε wε, yo tī kpal nje tekwε yotu yō tekwε na. ⁶ Yo nde, Baba Mbokō tédyā mεbōnε nyε mō te yi nyε kwadyε kō yī kite nε nyε. A ŋḡibila mumō hεnε te yi nyε jayε nde, a mε mōnō wenε kō.>

⁷ Wunε gbīsi mεbōnε mεte yi Njambiyε tedye wunε yī kite nε wunε, nda yi sanḡwε nε bōnō kele nε bōnō benε ké. Ma yo ba mōnō te nda yi sanḡwε dīyε kinε tedye nyε mεbōnε yī kite nε nyε kō? ⁸ Njambiyε tédyā mεbōnε dēte nyε bōnō benε hεnε yī kite nε bo. Ma ŋḡε wunε dīyε kinε sanḡwa nε mεbōnε dēte sendi na, yite wunε bōnō be wanja, wunε yeti ŋgbak ŋgbak bōnō benε na. ⁹ Wusε tâka sendi yasi te yi besanḡwε busu be jama wusε ke meneti maka dīkima kelō nε wusε ké. Bo dīkima tedye wusε mεbōnε yī kite nε wusε, ε wusε dīki jεsō bo, wokuna ke men yan. Ŋḡε be nde, wusε dīkima kelō dēte nε besanḡwε busu bεte, 'ma sunḡwa nε Da te ε dīyε ke dīyōbō kō? 'He kīna jεsi nyε, wokuna nε

nye kwà to te, né wuse jù na? ¹⁰ Besangwe busu be meneti maka dikima tedye yan wuse mebɔne yí kite ne wuse yi yaka mɔnɔ kum ngimɔ. Bo dikima kelɔ dete nda yi bo kwadye. Ma ke be Njambiyɛ, a tɛdya wuse mebɔne yí kite ne wuse yí kpalo kame ne wuse besa bete, né wuse be pupunate nda nye. ¹¹ Mɛngimɔ hɛne te yi bo tedye mumɔ mebɔne yí kite ne nye, ke ngimɔ te yite a bɛɲa nde, yo yasi ngambi, yeti yasi mesosa na. Ma ke kɔɲ mebɔne menɔri mɔ te ε jekima yiɲa yasi ke mɔyɛ kɔ ke nje joɲna ne ngbeɲ ke mbɔmbu Njambiyɛ, be ne temɔ ne tɛ.

¹² Dete, wune nâmba meɔo mun yi sima kato ké nè meɔɔn mun yi me ne tukulek ké. ¹³ Wune bôɲ mekol mun kendo nɔ ke menje mete yi ne ngbeɲ, kambɔ botu bete be ndi ke ndumbe baka me nje jatɔ ke beya nje. Wune kɛl dete, né bo kpal be ne deti te yi kendo ke kimɔ nje. ¹⁴ Wune sâɲ nje te yi joɲna ne tɛ wúne bomɔ hɛne, bakidyɛ sendi metemɔ mun pupunate ke mbɔmbu Njambiyɛ. Kɛto nge mumɔ ti kanɛ joɲgwe dyene dete nye Baba Mbokɔ na, a tí beɲɛ nye na. ¹⁵ Wune dɛy ne sɔsɔ, ma mumɔ me nje tumɔ kɔɲ ne Njambiyɛ, ma nye me nje dɛyɔ kinɛ kelɔ ngikwa ne nye na. Wune dɛy sendi ne sɔsɔ, ma mumɔ me nje be nda yiɲa pekeke kangil yí lapidyɛ jona yasi nye besɔ, yí bekidyɛ ne budya bomɔ. ¹⁶ Wune dɛy ne sɔsɔ, ma mbaɲa ke njoka yun me nje be mɔ kelna mewanja ho mɔ yeliya meyasi mete yi Njambiyɛ si tembidyɛ ké nda Eso. A dyanɲwa dɛyɔ tomba mɔy te yi nye bɔ nɔ ké kpalo yo ne mɔnɔ kato meɔyɛ. ¹⁷ Wune ke

duwe yasi te yi njā kwan̄na ke ḡgimō te yi nye kwadya nde, saṅgwe wene nyêki nye mekombila nda yi bo diki nye ne betomba moy ké. Yasi wete, saṅgwe sen̄ma, ko bekō nde, a saṅma yo ne misidyē ke misi, a tĩ be se ne nje te yi sen̄jo yaṅa ke meyasi mete yi sima kwan̄na ké na.

¹⁸ Ke yi wune njā nō ke yi Njambiye ké, wune tĩ wuta yun ne wete keki te yi mumō yakama kenje bo kpoke nō ké na. Keki te bā hene tande dīte ne nyen nyen, yitil bā kete ne gir, nyan̄gwe mbuku bā ke yifila. ¹⁹ Botu bete be bā kete baka wokuma medombiya ke lumsa, wokō wete detina men ke lepina. Yo kelma nde, botu bete be wokuma men te baka, lêpi nde, men tĩ ken se mbombu yí lepō ko gbela lepi wete ne wete nye bo na. ²⁰ Bo lépi dete, keto mbon̄ga te yi men te nya ké kwan̄ma bo. Men te nya mbon̄ga nde: <Ko nde, yo nyamō kpoka keki, bo lōṅ nye ne metari wo.> ²¹ Yasi te yi kwan̄nama ké bā yasi wō bud̄yate, ε Moyisi ne ḡguru wene lepe nde: <Yike kwan̄ma mi, yotu mbe ne tututu ne wō.> ²² Ma yasi wete, ke yun, ke yi wune njā nō ke yi Njambiye ké, wune wutama ne keki te yi bo jeba nde *Siyōṅ kō, wuta ne dya Njambiye te ε ne jon̄ kō. Dya te, yo Yerusalem te ε diye ke dyoḃō kō. Wune wutama ne bejaki be Njambiye be diye ke dya te baka. Buyō yan bā besan̄may besan̄may. Bo wesidyama yí kelō nyan̄gwe jesō. ²³ Wune wutama ne mewesidyama me njōṅ betomba moy ke njoka bōnō be Njambiye be nye sima si keto medino man ke dyoḃō baka. Wune wutama ne Njambiye te mō pesina jōsi bomo hene, wuta ne

mesisiŋ me botu bete be ba ne ngben, be tonja meyasi kumo njena baka. ²⁴ Wune wutama ne Yesus te e kelma say njuŋo yí kelo jonja mbon ko, wuta sendi ne mekiyo mene yi nyanjama yí pupudye ne bomo ké. Mekiyó mete yite ke lepo yiŋa kpasa yasi nye wuse, ko mekiyo me Abel yeti ke lepo yiŋa kpasa yasi kwá yite na.

²⁵ Yi ba dete ké, wune díy ne soso, ma wune me nje seŋe kine leŋgwe meto ke numbu mo te e lepina nye wune ko na. Ne mbombu, botu bete be seŋma kine leŋgwe meto ke mbel mo te e lepinama nye bo ke meneti maka ko saŋgwama ne mebone. Ma nge be dete, yo ta nje be nan pe yusu, nge wuse paye mo te e díye ke dyobo lepina njese wuse ko? ²⁶ Ke ngimo te yite, men ne kelma nde, meneti wâti. Ma ndana, a kpoma yiŋa yasi te yi nye ta kelo ké. E nde: <Mi ta kala kelo nde, meneti wâti. Ma yo tí be ndi meneti nyepo na, ko dyobo sendi ta wato.> ²⁷ Lepi te yi nye lepima nde: <Mi ta kala kelo> ké tédya nde, yí sídye no, meyasi hene te yi nye kusuma ké ta wato yambile, né meyasi mete yi tí wato ké tika. ²⁸ Nda yo dete ké, he nyêki Njambiye wosoko, keto dya te yi nye nye wuse ké tí wato na. He kêl dete yí kelo ne mesay nye nye, njel kelna mesay te yite ta nye nye mesosa. Wuse kêl dete ne pidya yotu, nè kambina ne sendi, ²⁹ keto Njambiye wusu nda díte te yi girise yasi.

13

Yasi te yi nye Njambiye mesosa

¹ Wunε njɔŋ, nε kên mbombu yí kwadɣya tandε yun nda bemaŋ. ² Nε tî lensangwε boŋna bejεngwε kimote ke mbey yun na. Baŋa bomo kelma dεte, bu nε bejaki be Njambiyε, yadɣε ke metɣ man kinε duwε na. ³ Wunε tâka botu bete be ke jobo baka, beŋε bo nda wúnε bo diyε ke jobo te. Wunε tâka sendi botu bete yi bo tedɣe bo mebone baka, nε kêl nda wúnε bo sangwa nε kiya mebone mete. ⁴ Bomo hεnε jêsi megwaki. Mekele mε memi tî beŋnaŋwε ke moy gwaki na. Yo nde, Njambiyε ta pεso josi botu bete be kele mewanja baka, yite nde, botu bete be ke megwaki ko baka be yeti ke megwaki baka. ⁵ Nε tî jonŋaŋwε yí nyε sosu yun hεnε ke kasi moni na. Nε bêki nε mesosa ke meyasi hεnε te yi wunε no ké, yite yakama wunε. Yo nde, Njambiyε nε ŋguru wεnε ke lepɔ nde: <Ko mi tí tiko ho li wε na.> ⁶ Yori yi wuse yakama lepɔ nε bibina temɔ nde: <Baba Mboko, nyε mo te ε kame mi, mi tí gwe wɔ yaŋa na. Mumɔ yakama kelɔ mi ŋge?> ⁷ Wunε tâka bosa botu bete be kεndima nε wunε yí lepɔ melepi mε Njambiyε nyε wunε baka. Wunε bêŋa nda yi bo jonnama no kumo ke soŋ ké. Wunε kêl dεte, né wunε tiki temɔ ke yi Njambiyε nda yan. ⁸ Yesu Krist yeti ke senjo na. A muka ndi nda yi nyε ba no kwey ké, a ta be ndi dεte kpo nε kpo. ⁹ Nε tî jaya nde, bomɔ jâtɣya wunε ke beya nje wulε ke budɣya jaki jaki meyasi mete yi bo tedɣe ndana ké na. Ma yo kimote nde, ŋgikwa te yi Njambiyε kele nε mumɔ ké nyêki mumɔ dεti ke temɔ, yeti kasi dɣyena yiŋa medɣe ho kinate na. Botu bete be beŋgwa yite baka tî

kwedya yiṅa mekamna ke kelnate dfe te na.

¹⁰ Wuse ne mbey nyena sadaka te yusu nye Njambiyɛ. Botu be nyena sadaka bete be kele mesay me Njambiyɛ ke tɔ te yi bo kele ne lambɔ kɛ ti yaka dɛe menjay mete yi wule ke mbey nyena sadaka te mbete na. ¹¹ Yo nde, nyanḡwe kum botu be nyena sadaka nye Njambiyɛ woku benyamɔ, bu mekiyɔ mete kɛ kelɔ ne sadaka nye Njambiyɛ ke mbey te yi ne kiyɔ yɛ soṅe ne mebeyɔ ke to bomɔ. Ke kɔṅte, bo ma nje bu membundɔ mete jise nɔ ke moy dya kɛ lodɛe ne nan. ¹² Dete sendi, bo boṅma Yesus jise nɔ ke moy dya. A sanḡwama ne mebɔne mate, punje gba mekiyɔ mene yɛ pupudɛe ne bomɔ ke misi me Njambiyɛ. ¹³ Nda yo ba dfe kɛ, he pɔndu jise ke moy dya yɛ kɛ pe yene, jaye nde, bo wunḡwe wuse nda yi bo wunḡwa ne nye kɛ. ¹⁴ He kɛl dfe, keto wuse yeti ne dya te yi ta bɔne waka na. Ma he sɔṅ, nɛ wuse be ne dya te e ke nje kɔ. ¹⁵ He sɔmbila Njambiyɛ menḡimɔ hene ne nje Yesus. Sadaka te yi wuse nye nye kɛ, yori. Yite nde, he buṭa menumbu musu yɛ sombile ne dɛno dɛene ke misi me bomɔ. ¹⁶ Ma ne ti lenḡwe kelna ḡgikwa nɛ kelna ḡgay na, keto yo nḡel mesadaka mete yite yi Njambiyɛ be ne mesosa kete. ¹⁷ Wune wɔkunḡwe ne botu bete be kende ne wune baka, tekwe to sunḡwe ne bo, keto yo bo dɛye ne say mbona yun, nɛ wune joṅna ne ḡben, keto bo ta duwe teme wete yesɔ ke mbɔmbu Njambiyɛ yɛ pile nda yi bo kelma ne mesay man kɛ. Wune sɔṅ nje te nde, bo kɛl mesay man ne mesosa ke

temo kine menḡbonḡila na, keto nḡe bo kele ne menḡbonḡila, wune tí kwedya kimo yaḡa kete na. ¹⁸ Ne kên mbombu yí ḡweta ne Njambiyē keto su. He ke kombile duwe nde, metemo musu ne te kine yaḡa ke nḡaḡwe wuse na, keto he ḡoru kelo kimo yasi ke menje hene. ¹⁹ Mi jéki diyē wune nde: Ne ḡwêtaḡwe ne Njambiyē, na yokidye mi nedo kenje wune.

Njena lepi

²⁰ Njambiyē te ε ne tete ko womiya Nyangwe Kumande wusu Yesu te ε nḡa be nyangwe kum botu be bakidya besam bene ko. Njambiyē kwanma ne nje mekiyo me Yesu yí kelo ne mbon te yi ta diyō kpo ne kpo. ²¹ Ma Njambiyē te mbete nyêki wune deti te yi kelo kimo yasi ke menje hene, né wune kel yasi te yi nye kwadye. A kwân ne Yesu Krist yí kelo nde, wuse kél yasi te yi nye nye mesosa. He lúksa nye kpo ne kpo, *amen. ²² Wune nḡoḡ, ndana mi ke ḡweta ne wune nde: Ne jáya menḡite mete yi mi nye wune ke mekana maka ké. Ma mi ketima mono mekana maka yí lepina no ne mbet kenje wune. ²³ Ne dúkwe nde, maḡ wusu Timote yeti se ke jobo na, bo ma punje nye. Nḡe nye dya nedo, sine nye má kè beḡe wune. ²⁴ Wune nyên botu bete be kende ne wune baka hene, nyeno sendi botu be Njambiyē hene. Benḡoḡ busu be Itali ke nyeno wune. ²⁵ Njambiyē kél ḡikwa ne wune hene.

Μελεπι με Njambye Jonja Mbon
Kako: Μελεπι με Njambye Jonja Mbon New
Testament
Le Nouveau Testament en langue kako (kako-est)
Cameroun et RCA

copyright © 1999 Wycliffe Bible Translators, Inc.

Language: (Kako)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

01d5712f-3809-5574-9928-b20d539536e3